

Datuk Iskandar (dua, kanan) bersama Prof Madya Dr Mohd Fuad semasa menyempurnakan 'flag off'.

MENTERI BESAR KELANTAN PUJI SUKARELAWAN BANJIR UNISEL

Menteri Besar Kelantan, Datuk Ahmad Yakob memuji semangat para kakitangan serta pelajar Universiti Selangor (UNISEL) yang sanggup menghulurkan bantuan sebagai sukarelawan Ops Cuci pasca banjir di Tumpat.

Datuk Ahmad turut melahirkan rasa terharu kerana UNISEL berusaha terlibat secara langsung membantu mangsa-mangsa banjir.

Menurutnya, kedatangan rombongan seramai 32 orang ini sememangnya dapat membantu meringankan beban mangsa-mangsa banjir yang banyak kehilangan serta kerugian harta benda.

Selain itu, rumah serta bangunan yang dinaiki air berada dalam keadaan kotor dan terjejas teruk.

Dengan adanya misi seperti ini sekurang-kurangnya dapat membantu membersihkan kawasan tersebut secepat mungkin.

"Alhamdulillah UNISEL sudi membantu dengan menghantar sukarelawan untuk membersihkan rumah-rumah.

"Ini pastinya dapat meringankan mangsa-mangsa yang terlibat serta memberi sokongan moral," katanya.

Kedatangan rombongan UNISEL yang menaiki satu bas disambut oleh Datuk Ahmad sendiri kira-kira jam 8 pagi di Masjid Alor Pasir, Wakaf Baru.

Beliau yang ternyata peramah dan merendah diri itu sempat meluangkan masa beramah mesra bersama para sukarelawan sebelum rombongan tersebut bergerak ke penginapan yang disediakan.

Antara kawasan yang akan dibersihkan sepanjang misi kali ini di sekitar Tumpat adalah Kampung Laut dan Pulau Besar.

Rombongan ini turut disertai oleh beberapa kakitangan Jabatan Perumahan, Pengurusan Bangunan dan Peneroka Bandar.

Ia diketuai oleh Dekan Fakulti Perniagaan, Prof Madya Dr Mohd Fuad Mohd Salleh serta Adun Lembah Jaya, Khasim Abdul Aziz turut menyertai misi ini.

Pejabat Menteri Besar Kelantan turut terlibat dalam memastikan misi kali ini berjalan lancar. Perasmian 'flag off' disempurnakan

oleh Exco Perumahan, Pengurusan Bangunan dan Peneroka Bandar, Datuk Iskandar Abdul Samad di Gombak.

Bacaan doa sebelum memulakan perjalanan ke Tumpat.



Ketibaan sukarelawan UNISEL disambut mesra oleh Datuk Ahmad.



Rombongan sukarelawan UNISEL sebelum memulakan perjalanan.

FINISHING SCHOOL

BANTU PELAJAR MELANGKAH ALAM PEKERJAAN



Program seumpama ini bermanfaat kepada para pelajar dalam mendedahkan mereka mengenai alam pekerjaan.



Haikal


'Finishing School' sebagai usaha terkini universiti dalam membantu para pelajar terutama pelajar tahun akhir bagi menyiapkan diri ke lapangan pekerjaan di samping menjamin kualiti graduan UNISEL.

Di antara objektif utama penganjuran adalah bertujuan mendedahkan kemahiran menghadapi pekerjaan dan mendapatkan pekerjaan disamping meningkatkan keyakinan diri dalam dunia pekerjaan kelak.

Program anjuran Unit Kaunseling UNISEL itu mendapat sambutan baik pelajar dari empat fakulti yang berada di Kampus Shah Alam.

Bermula seawal jam 8.00 pagi, tidak menghalang pelajar untuk datang walaupun program berlangsung pada hari bercuti.

Pelajar tahun akhir Ijazah Sarjana Muda Pengurusan Industri, Grace Ping berkata, dia



Grace

cukup berpuas hati dengan penganjuran program sebegini.

Ianya bukan sahaja menjadi tempat para pelajar menambah ilmu bahkan medan terbaik membuat persiapan diri untuk menempuh dunia pekerjaan.

"Kami didedahkan dengan pelbagai cara untuk berhadapan dengan majikan, persiapan diri, komunikasi serta pelbagai lagi," katanya.

Bahkan, Haikal Hamzah pelajar jurusan Ijazah Sarjana Muda Komunikasi Korporat juga turut memberikan pendapat serta pandangan yang hampir sama.

Haikal menyatakan program sebegini cukup baik buat semua pelajar untuk persiapan diri sebelum

melangkah ke alam pekerjaan.

Menurutnya, persiapan sendiri yang awal harus diterapkan agar semua pelajar yang bakal menempuh dunia luar nanti mampu membawa nama UNISEL dengan lebih gah.

"Kita sememangnya cukup sayang dengan UNISEL," katanya.

Antara pengisian utama program yang berlangsung ialah, 'Effective Communication, Social Etiquette for professional, Professional image – grooming for young professional, Job hunting – preparing resume and cover letter serta Career Discussion – Alumni session'.